



ԵՐԵՎԱ-ԾՆՈՂ ՎԵՐԱՄԻԱՎՈՐՈՒՄ

(ծնողներից մեկը կամ երկուսը ապրում են Գերմանիայում)

Վիզայի համար դիմում ներկայացնելը

Դիմում ներկայացնելու համար անհրաժեշտ է նախապես պայմանավորվածություն ձեռք բերել: Պայմանավորվածություն կարող եք ձեռք բերել միայն առցանց (օնլայն):

Օնլայն-հերթագրման համակարգ կարող եք մուտք գործել դեսպանության կայքէջի միջոցով. www.eriwan.diplo.de

Փաստաթղթերն ընդունելուց հետո գործերի քննության և մշակման համար պահանջվում է առնվազն **6-12 շաբաթ** (կախված է Գերմանիայում գործի քննման ժամկետից): Առանձին դեպքերում կարող է տևել ավելի երկար:

Հայաստանի անչափահաս քաղաքացիների համար այցագրի վճարը կազմում է 37,50 եվրո: Այն պետք է մուծել փաստաթղթերը հանձնելիս՝ **համարժեք ՀՀ դրամով**:

Դիմումի փաստաթղթերը

Դիմում հանձնելիս անհրաժեշտ է **անձամբ** ներկայացնել ստորև նշված փաստաթղթերը: Սկզբունքորեն բոլոր փաստաթղթերը պետք է ներկայացնել **բնօրինակով**, յուրաքանչյուրից նաև՝ **երկուական պատճեն**: Խնդրում ենք ուշադրություն դարձնել, որ փաստաթղթերը պատուհանի մոտ պետք է հանձնել **երկու նույնական փաթեթով** (յուրաքանչյուր փաթեթը սկսվում է դիմում-հարցաթերթիկով և պարունակում ստորև թվարկված փաստաթղթերի պատճենները)՝ դասավորելով նշված հերթականությամբ: Բոլոր փաստաթղթերը (հատկապես անձնագրի պատճենները) անհրաժեշտ է ներկայացնել **A4 ֆորմատի** թղթի վրա: Խնդրում ենք թղթերը **չկարել, չամրացնել**: Դեսպանությանը հասցեագրված ֆաքսերը կամ գրությունները չեն տեսակավորվում և չեն կցվում գործերին: Ոչ լիարժեք դիմումներ չեն ընդունվում:

Դեսպանությունն իրեն իրավունք է վերապահում պահանջել լրացուցիչ փաստաթղթեր: Լիարժեք դիմում ներկայացնելը դեռևս բավարար հիմք չէ վիզա ստանալու համար:

Դեսպանությունը նշում է, որ համաձայն Կացության մասին օրենքի §82-ի դիմում ներկայացնողը պարտավոր է ապահովել դիմումի լիարժեքությունը, որևէ փաստաթղթի բացակայության դեպքում դեսպանությունը համարում է, որ այն չի կարող ներկայացվել:

Անհրաժեշտ փաստաթղթեր

- գերմաներենով կամ անգլերենով, **լիարժեք լրացրած** 2 դիմում-հարցաթերթիկ: Այն կարող եք գտնել մեր ինտերնետային էջում՝ <https://videx-national.diplo.de>
- 3 նոր, բիոմետրիկ լուսանկար, մեկը խնդրում ենք ստանձել դիմում-հարցաթերթիկին

- գործող ճամփորդական անձնագիր՝ էլքի կնիքով, վավերական ամենաքիչը 6 ամիս ամիս: (Անձնագրում պետք է լինի առնվազն երկու դատարկ էջ, իսկ վավերականության ժամկետը չպետք է գերազանցի 10 տարին)
- անձնագրի այն էջերի պատճենները, որտեղ առկա է կնիք, այցագիր կամ որևէ այլ նշում (2 օրինակ)
- ստորագրված հայտարարություն կեղծ տվյալների վերաբերյալ (տե՛ս դիմում-հարցաթերթիկը)
- Գերմանիայում բնակվող ծնողի (ծնողների) ճամփորդական անձնագրից երկու պատճեն, երկու օրինակ գերմանական կացության թույլտվության պատճենից և նրա (նրանց) գրանցման մասին տեղեկանքից երկու պատճեն:
- ծննդյան վկայականի բնօրինակը՝ հաստատված ապոստիլով, ինչպես նաև ծննդյան վկայականի նոտարական թարգմանությունը և թարգմանությունից երկու պատճեն
- եթե երեխան տեղափոխվում է ապրելու ծնողներից միայն մեկի մոտ, ապա անհրաժեշտ է ապացույց տվյալ ծնողի միակողմանի խնամակալության իրավունքի վերաբերյալ (հայկական իրավասու դատարանի վճռի, մահվան վկայականի կամ չմեկնող ծնողի համաձայնության բնօրինակը՝ հաստատված ապոստիլով)՝ նոտարական վավերացումով թարգմանությամբ և երկու պատճեն:
- եթե ծնողներից երկուսն էլ ապրում են Գերմանիայում, ապա երեխայի գործերը հանձնելու և նրա մեկնելու համար անհրաժեշտ է ծնողների համաձայնություն, որն անհրաժեշտ է հաստատել համապատասխան գերատեսչությունում
- եթե լրացել է դիմողի 16 տարին, ապա անհրաժեշտ է գերմաներենի C 1 մակարդակի իմացության մասին ապացույց՝ Գյոթե-ինստիտուտի եվրոպական չափանիշներին համապատասխան սերտիֆիկատի տեսքով և սերտիֆիկատից երկու պատճեն:

Ամուսինների միավորման համար տես «Ընտանիքի վերամիավորում» հուշաթերթիկը
<https://eriwan.diplo.de/blob/1282332/0b47827f9c97e1b631d94f6e560815d6/merkblatt-famienzusammenfuehrung-arm-data.pdf>

Կարևոր ցուցումներ

Ձեր ուշադրությունն ենք հրավիրում այն հանգամանքի վրա, որ **դեսպանության շենքում հյուպատոսական բաժնի պատուհանի մոտ** գանձվող այցագրի վճարից բացի այցագրի համար դիմելիս այլ վճար նախատեսված չէ:

Դեսպանությունը **չի համագործակցում** որևէ տուրիստական ընկերության հետ: **Դա վերաբերում է նաև դեսպանության անմիջական հարևանությամբ գտնվող ծառայություններ մատուցող գրասենյակներին: Ճամփորդական կամ այլ ծառայություններ մատուցող գրասենյակների աշխատակիցների պնդումներն այն մասին, որ իրենք համագործակցում են դեսպանության հետ, չի համապատասխանում իրականությանը:** **Ոչ ոք չի կարող ազդել** Ձեր դիմումի հաջողության հեռանկարի վրա, քանի որ դիմումների վերաբերյալ որոշում է կայացնում բացառապես գերմանացիներից բաղկացած անձնակազմը: **Եթե Ձեզ այլ բան են խոստանում, ապա Ձեզ փորձում են խաբել: Ոչ մի դեպքում փող մի՛ վճարեք:**

Այցագրի հետ կապված հարցերի մասին արժանահավատ տեղեկություններ Դուք կարող եք անվճար ստանալ դեսպանության **հյուպատոսական բաժնի աշխատակիցներից:** Այլ անձինք տեղեկություններ տրամադրելու իրավասություն չունեն: